

6 a le galie di Baruto a partirse; et il capitano è zà in galia.

A l'incontro, sier Hironimo da chà da Pexaro savio a terra ferma, vol che le galie vadino a presentarsi al capitano zeneral, et non volendole tenir in armada le debbi licentiar, vadi al suo viazo. Et di questa opinion si tolse zoso et messe le andasse al suo viazo iusta la parte del suo incanto.

Et ditto sier Hironimo da Pexaro parlò per la sua opinion, poco et mal.

Et li rispose sier Hironimo Trun savio ai ordini, *etiam* malissimo. Andò le parte: 6 non sincere, 4 di no, 44 del Pexaro, 164 di Savi ai ordeni; et questa fo presa.

184* *Di campo, vene lettere da Cassan, di proveditori zenerali, di 9, hore 21.* Come inimici havendo mandà cavalli per impedir le vituarie venivano nel nostro campo, et inteso questo, el capitano zeneral ordinò dopia scorta, et *etiam* el conte di Caiazo volse andarvi, et andato, se incontrò in la imboscata de inimici. Fo a le man, et fu preso il locotenente del ditto conte et do altri cavalli de soi, et de inimici ne preseno 8, et atacata la scaramuza il capitano zeneral montò a cavallo per andarvi, et poi non fo nulla. Scrive il nostro campo è smenuito et bisogna agumentarlo, et il capitano zeneral vol al tutto mantener Bergamo, qual mantenendo si tegnirà il resto del stado.

Da Brexa, di rectori, di 10. Come hanno che 'l conte Lodovico da Lodrone era partito per andar ad Alla a far zente per condurle in Italia.

Fu posto, per li Savi del Conseio et terra ferma, una parte, che sier Marin Malipiero fo patron di fusta che si ruppe, *videlicet* che sia satisfato del suo credito per le spexe fate, *ut in parte*.

Et andò in renga sier Vincenzo Barozzi savio ai ordeni, et contradisse non si dia aprir questa porta che mai è stà fatto, allegando casi seguiti che altri soracomiti si ha roto et questo Conseio non ha voluto darli alcuna cosa. Et volendo seguir di parlar, il Serenissimo non volse et fè venir zoso di renga.

Et sier Zuan Maria Malipiero, è sora le pompe, andò dal Serenissimo a pregar si compisse di expedir la cosa. Il Serenissimo lo rebufò dicendo si vol ballotar li proveditori.

Scurtinio di proveditor zeneral in Brexa et brexana, con pena, iusta la parte.

Sier Polo Valaresso fo podestà a Bergamo, qu. sier Gabriel	49.152
Sier Piero Boldù l'avogador di comun, qu. sier Lunardo	76.125
Sier Zuan Emo fo podestà a Verona, (qu. sier Zorzi procurator) qu. sier Zuan el cavalier	73.126
Sier Polo Justinian fo capitano del lago di Garda, qu. sier Piero	64.125
Sier Jacomo Corer fo proveditor a Salò, qu. sier Marco	27.184
Sier Nicolò Justinian el proveditor fuora sopra le biave, qu. sier Bernardo	83.111
Sier Tomà Donado fo proveditor a Civaldi di Friul, qu. sier Nicolò	56.143
Sier Piero Trivixan fo podestà a Vicenza, qu. sier Polo	59.140
Sier Zuan Antonio Venier fo avogador di Comun, qu. sier Jacomo Alvise	59.137
Sier Vincenzo Polani è di Pregadi, qu. sier Jacomo	62.142

Scurtinio di provedador zeneral in Verona et veronese, con pena, iusta la parte.

Sier Nicolò Justinian è proveditor di fuora sopra le biave, qu. sier Bernardo	78.112
Sier Zuan Francesco Badoer, di sier Jacomo, el proveditor sora le biave di fuora	70.123
Sier Tomà Donado fo provedador a Civaldi di Friul, qu. sier Nicolò	53.139
Sier Piero Trivixan fo podestà a Vicenza, qu. sier Polo	51.144
Sier Jacomo Correr fo proveditor a Salò, qu. sier Marcho	22.175
Sier Zuan Antonio Venier fo avogador, qu. sier Jacomo Alvise	57.137
Sier Piero Boldù l'avogador di comun, qu. sier Lunardo	72.129
Sier Zuan Emo fo podestà a Verona, qu. sier Zorzi procurator	70.129
Sier Polo Justinian fo capitano del lago di Garda, qu. sier Piero	69.125